



Pleiv s. Gions Mustér
Rapport da gestiun 2009

Impressum

Editura: Pleiv. s. Gions Mustér

Ediziun: 1050 exemplars

Fotografia 1. pagina: baselgia da Segnas (G. Tenner)

Stampa: La Tuatschina, Sedrun

© 2010 Pleiv s. Gions Mustér

Invitaziun alla radunonza generala dalla Pleiv sogn Gions/Mustér:

*venderdis, ils 30 d'avrel 2010 allas 20.15 uras,
halla communal a Cons/Mustér*

Tractandas:

1. Elecziun da dus dumbravuschs
2. Protocol dalla davosa radunonza generala dils 8 da matg 2009
3. Rapport dil president dalla pleiv
4. Rapport dalla presidenta dil cussegl pastoral
5. Rapport dil president dalla caplania Segnas
6. Rapport da quen: Baselgia e pervenda da s. Gions
7. Rapport dils revisurs da quen e scarica alla suprastonza
8. Constituziun dalla pleiv s. Gions: reglamentar il dretg da suttascripziun
9. Vendita sulom parcella 910 a Sontget
10. Orientaziun casa pervenda veglia parcella 327
11. Elecziuns:
 - a) presidentA
 - b) ugau-baselgia
12. Preventiv e fixar il pei da taglia
13. Damonda da credit per reparatura e cumpletaziun d'in plat dall'ura-baselgia
14. Undraziuns
15. Varia

La suprastonza selubescha da porscher als presents alla fin dalla radunonza in sempel refrestg. Cordial invit a nossa radunonza generala.

Per la suprastonza dalla pleiv sogn Gions/Mustér:

*Il president:
Otto Gienal*

*La vicepresidenta:
Jris Lombris*

Protocol dalla radunonza generala dalla Pleiv s. Gions/Mustér

venderdis, ils 8 da matg 2009, allas 20.15 uras en halla Cons, Mustér

Tractandas:

1. Elecziun da dus dumbravuschs
2. Protocol dalla radunonza generala dils 18 d'avrel 2008
3. Rapport dil president dalla pleiv
4. Rapport dalla presidenta dil cussegl pastoral
5. Rapport dil president dalla caplania Segnas
6. Rapport da quen: Baselgia e pervenda da s. Gions
7. Rapport dils revisurs da quen e scarica alla suprastonza
8. Elecziun: ugau-baselgia
9. Preventiv e fixar il pei taglia
10. Eventualmein damonda da credits
11. Undraziuns
12. Varia

Il president dalla pleiv, Otto Gienal, beneventa tuts presents cordialmein all'ordinaria radunonza generala. Oz vulan ils responsabels dalla pleiv s. Gions rapportar sur dils fatgs occurri igl onn vargau.

La gliesta da tractandas ch'ei vegnida distribuida a dretg temps vegn approbada sco presentada. Perstgisai per questa sera ein: Meinrad Giger, Ignaz Deflorin-Berther, Max Deplazes, Andri Hendry e Roger Tuor.

1. Sco dumbravuschs propona la suprastonza Aurelio Sac e Giusep Berther. Ils dus numnai vegnan elegi unanimamein.

2. Il protocol dalla davosa radunonza vegn approbaus senza midadas cun engraziar all'actuara Jris Lombris.

3. Il rapport annual distribuius en mintga casada cuntegn il principal dalla lavur prestada dils responsabels dalla Pleiv s. Gions. El enumerescha ils fatgs da muntada vitala per nosssa pleiv. Tuttina less nies president visar vi sin entgins puncts impurtonts:

La Cadi ranghescha en rama d'innovaziuns buc adina sigl'emprems plaz, denton pertuccont structura per animar e cumpignar la giuventetgna ha ella prestau lavur da piunier. La SIGA fundada 1994 ha tschentau fundaments e structuradas per in bien accumpignament da nosssa giuventetgna. Ditg han mo las pleivs procurau per la basa finanziaria. La lavur da giuventetgna ensiara denton buc mo la cuminonza da parochians mobein cumpeglia tuts vischins dalla vischnaunca. Nus duvrein bunas scolas, las scolas ein d'impurtonza vitala, quei vegn savens detg cura ch'ei setracta d'encurir vuschs ella scena politica. La giuventetgna duei vegnir integrada ella politica, ella duei haver ina vusch e nus astgein buca munchentar da porscher maun ad ella. Tuts ein perschua di da quellas valetas, cura ch'ei va denton per financiar quellas tuna ei lu tut auter. La lavur da giuventetgna stuess esser in'incumbensa statale. Persuenter maunca denton aunc la basa fundamentala. Pliras pleivs e vischnauncas dalla Cadi enqueran ussa communablamein ina nova via concernent la lavur da giuventetgna per la Cadi. Eventualmein porta la promtadad dalla Regiun Surselva da surprender incumbensas d'organisaziun e coordinaziun a liunga vesta novas pusseivladads.

L'instrucziun religiosa en nossas scolas ei sesplagada en fuorma usitada e senza pli grond incaps. Ils 17 da matg essan nus stai clamai all'urna per votar sur dall'iniziativa d'etica che vul che tuts affons stoppien prender part a duas lecziuns d'etica per jamna e sclauder ella tabla da lecziuns l'ura da ductrina. Las baselgias cantunales ed igl ordinariat episcopal ensemen cul departement cumpetent han lantschau la proposta 1+1, vul dir ina lecziun etica ed ina lecziun ductrina. L'instrucziun religiosa ensiara adina era l'etica. Co vesa ei ora en nosssa pleiv? Essend che la recrutaziun da personas cumpetentas per religiun el scalem ault ei difficila havein nus legrevlamein surdau quei pensum a cumpetents scolasts. A mintga classa el scalem ault vegn instruiu ina lecziun ductrina, resp. etica ad jamna, quei vegn era a restar ils proxims onns aschia.

En in cuort mument da silenzi seregurdein nus da tuts nos defuncts digl onn vargau ed engraziein ad els sur fossa per il bien prestau.

Ils plaid d'engraziament: „Malgrad la tschontscha ch'ei regia el temps dad ussa mo individualissem, success persunal e respect mo per prestaziun astgein nus cun plascher palesar ch'en nosssa pleiv vegn aunc adina prestau massa buna ed efficients lavur pil beinstar da tuts. Nus essan engrazievels persuenter e loschs d'astgar appartener ad ina tala cuminonza “ siaran il rapport presidial.

4. La presidenta dil cussegl pastoral, Laurenzia Cajacob, entscheiva siu rapport cun plaid d'engraziament. Il regulativ prevess 15 commembers, oz dumbra il cussegl pastoral sulettamein 7 commembras e commembers, quels prestan denton lavur

cumpleina e seriusa. Per quei grond engaschi engrazia Laurenzia Cajacob a sur Alexi, allas commemoras e commembers dil cussegl pastoral sco era alla suprastonza dalla pleiv per tut sustegn.

Ella cumpletescha il rapport a scret cun treis informaziuns frestgas ed aunc buca publicadas el cudischet:

Dapi biars onns meinan las dunnas Claudia Deflorin e Laurenzia Gadola la devoziun pils defuncts „Salit da Nossadonna“, ils davos onns mintgamai inaga il meins. La participaziun a quellas devoziuns vegn denton pli e pli magra, era sche la devoziun vegn tenuta per plirs defuncts ha ei strusch glied en baselgia. Il cussegl pastoral ei perquei sedecidiu da schar curdar quella devoziun, sche quella devoziun vegn fatga en in’altra fuorma ei aunc buca decidiu.

Il recav dil di da suppa munta a frs. 2’750.-. Quella biala summa han ins surdau a pader Silvio Deragisch per sia lavur da pastoraziun cun impedi. L’unfrenda da Cureisma ha purtau uonn la summa da frs. 5’500.-. In grond Dieus paghi a tuts donaturs.

Alla fin da siu rapport engrazia Laurenzia Cajacob a tuts che s’engaschan sin ina moda ni l’altra per la baselgia e la pleiv, mo era a tuts presents questa sera e tuts quels che separticipeschan sur onns als survetschs divins, rusaris e devoziuns. Engraziel di ella era als participonts dallas differentas purschidas dil cerchel liturgic e dil cerchel social-caritativ.

Sco gia menziunau all’entschatta punctuescha ella aunc inaga la munconza da commembers el cussegl pastoral. Ella appelescha ed animescha aunc inaga tuts da ponderar ina eventuala collaboraziun en quei aschi impurtont cussegl pastoral.

Ils plaids finals dalla presidenta dil cussegl pastoral: „Savens stgirentan nibels nossa via da cardientscha, mo seigies ruasseivels, sur ils nibels resplenda il sulegl. Jeu giavischel a vus tuts ch’il sulegl possi penetrar ils nibels.“

5. Il president dalla caplania Segnas Gion Tenner fa sco emprem menziun dad in legreivel eveniment si Segnas. Igl onn 2008 ei la fiasta da 25 onns caplon da Segnas da sur Pius stada el center. Ina gronda raspada ha priu part e festivau quei giubileum. Ton a sur Pius sco era a sia casarina Mathilda Lutz ha il di fatg grond’impressiun. La preschientscha da numerus vischins da Mustér muossa inaga dapli la cuminonza da nossa pleiv ed ei da grond’impurtonza per tuts.

El decuors digl onn vargau ei sesplagada sco programau la schubergiada interna dalla baselgia da s. Roc e s. Bistgaun che resplenda oz en in clar e bi alv, altars ed ornaments han survegniu dapli valeta. Las lavurs ein mo stadas pusseivlas grazia al grond agid finanziel da numerus donaturs, en special era dalla pleiv s. Gions. Il president engrazia cauldamein a tuts persunter.

Quitaus fa als responsabels pil mument aunc la renovaziun dall'orgla. La summa persuentar munta a frs. 80'000.- Tochen oz ha la caplania saviu recaltgar in quart da quella summa.

El rapport annual 2008 maunca l'annunzia da morts da Giachen Fry-Desax che ha bandunau il terrester ils 25 d'ust 2008. Gion Tenner supplichescha d'era enserrar el en noss'oraziun e seperstgisa tier las famiglias ch'il num dil defunct ei vegnius emblidaus el rapport annual.

Alla fin engrazia il president a sur canoni Pius Venzin ed a sur Alexi Manetsch per lur nunstunclenteivel engaschi sco era alla suprapostanza dalla pleiv s. Gions pigl agid e sustegn duront igl onn ora. In special engraziament admetta el agl ugau-baselgia partent Battesta Tschuor givischond tut bien per siu futur. Plaids d'engraziament drezza el era a tuts che segidan adina puspei pil beinstar dalla caplania.

6. Omisdus ugaus astgan era uonn puspei presentar quens positivs. Il quen dalla baselgia, menaus e presentaus da Battesta Tschuor, siara cun in surpli d'entradas da bunamein frs. 17'000.- Il quen dalla pervenda, menaus e presentaus da Willi Lozza, siara cun in surpli d'entradas da strusch frs. 13'000.-

7. Sco mintg'onnn astgan ils revisurs attestar exemplarica lavur dils cassiers, la quala vegn apprezzada fetg da tuts. Aschia vegn buca fatg diever da tschentiar damondas ed ils quens vegnan approbai unanimamein cun dar scarica als cassiers, alla suprapostanza ed als augsegners ed engraziar a tuts per lur lavur.

8. Suentar esser staus 10 onns en survetsch dalla pleiv sco ugau-baselgia ha Battesta Tschuor demissiunau. Sco successur havein nus anflau in concluvrer da Battesta e vischin da Segnas, signur Claudius Berther. El vegn elegius unanimamein e nus fagein ad el in cordial beinvegni en nossa suprapostanza.

9. Il preventiv dalla baselgia muossa in surpli d'entradas da frs. 4'000.-, quel dalla pervenda quenta cun in surpli d'entradas da frs. 7'700.-.

La suprapostanza propona da tener il pei da taglia sco tochen dacheu sin 12 %. Aschibein ils preventivs sco era il pei da taglia vegnan acceptai dils presents.

10. La stupenta situaziun finanziaria dalla pleiv lubescha da far entginas investiziuns daditg necessarias. Adina puspei dat ei reclamaziuns pervia dil scaldament en baselgia. Perquei havein nus tratg en offertas per remediar il scaldament. Las offertas ein

calculadas cun ca. frs. 60'000.-. Nus lessan sanar las portas pintgas dretg e seniester sco era las portas dils teschambers, quei cuosta ca. frs. 10'000.-.

Tenor indicaziuns d'ina fatschenta dil fatg basegnan era il tuchiez ed il stabiliment dil clutger urgentamein ina sanaziun cumpleta. Quella renovaziun cuosta aunc inaga rodund frs. 80'000.-.

La suprazonza damonda oz la radunonza generala in credit da frs. 150'000.- per quellas lavurs da manteniment. Negin fa diever dalla discussiun ed il credit vegn approbaus unanimamein.

11. Cun plaids d'engraziament e laud per tut prestau en favur da nossa pleiv pren il president Otto Gienal cumiau da nies fidau ugau-baselgia Battesta Tschuor. 10 onns ei Battesta s'engaschias cumpleinamein e cun grond interess sco ugau-baselgia. Per tut prestau seigi engraziu ad el cordialmein giavischond ad el tut bien pil futur. Sco segn d'engraziament astga Battesta prender encunter ina biala cristalla.

Las duas menadras dil „Salit da Nossadunna“ Claudia Deflorin e Laurenzia Gadola vegnan honoradas dalla presidenta dil cussegl pastoral Laurenzia Cajacob. Cun cordials plaids ed in matg fluras engrazia ella allas duas dunnas fetg engaschadas en nossa pleiv. Tuts treis vegnan honorai dils presents cun in ferm applaus.

12. Sur Alexi engrazia cordialmein a tuts pil bi survetsch divin festiv a caschun da siu 65avel natalezi. Quei seigi stau per el enzatgei tut special ed hagi fatg ad el nundetg grond plascher. El lessi engraziar aunc inaga a tuts che han collaborau duront la biala messa. El engrazia era a tuts per las gratulaziuns, ils buns giavischs ed ils biars schenghetgs. In augsegner sa cun 65 onns buca calar da luvrar, sa denton forsa reducir siu pensum. Aschia vegn sur Alexi a far la proxima stad 3 meins vacanzas e naven dil november spera el da saver reducir empau siu pensum.

Era en nossa pleiv sefa valer la digren da parochians en baselgia. Sur Alexi fa en quei senn attents sils plaids digl avat Notker Wolf che ha detg: „Nus astgein buca plidar mo d'ina munconza da spirituals. Nus vein oz oravontut era ina gronda munconza da cartents. Sch'ei dess pli bia cartents, dess ei automaticamein era pli bia spirituals.“

Cumparegliau cun outras pleivs ei sur Alexi denton aunc cuntents cheu a Mustér. E siu motto ei adina: Lein buca selamentar da baselgia vitas, lein selegrar da quels che vegnan aunc al survetsch divin e che vulan seschar en cun quel ch'envida propi, Jesus Cristus, cun siu plaid, cun sia verdat e cun la veta che sortescha dad el. En quei senn engrazia sur Alexi da tut cor a tuts quels e quellas ch'ei segidai igl onn vargau e segidan era vinavon ella pastoraziun. Senza igl engaschi da biars seigi la pastoraziun en nossas pleivs buca pussevla pli.

Battesta Tschuor ha grond plascher dalla biala cristalla regalada dalla pleiv. El engrazia al president, a sur Alexi ed all'entira suprastonza per la biala e buna collaboraziun ils davos diesch onns. Medemamein engrazia el allas duas calustras ed a tuts presents cordialmein.

Ingrid Flepp drezza ora salids da P. Jean-Marie ord Tiaratudestga.

Alla fin siara Otto la radunonza cun engraziar a tuttas e tuts che segidan adina puspei en nossa pleiv. Massa lavurs grondas e pintgas vegnan fatgas en tutta tgeudad. Pér sch'ei vegn buca prestau ellas s'encurschin nus ei. In profund engraziament admetta il president era a ses consuprastonts ed als augsegners. Lur sustegn, lur lavur exacta e bein ponderada possibilitescha in bien tgamunar dalla pleiv. Cun quels plaidis siara il president la radunonza generala ed envida ils presents al puschegn preparaus dall'Uniun da puras Mustér.

Mustér, fin da matg 2009

Jris Lombris, actuara



Cun grond inschign ed enorma premura orneschan nossas calustras ils sanctuaris.

Rapport dil president dalla pleiv s. Gions

La roda dil temps gira senza fermada e pren negin risguard sin lunas e problems da nus humans. Aschia croda il temps als responsabels dalla pleiv s. Gions da presentar il duiv rapport allas preziadas parochianas e stimai parochians. Rapports annuals dilucideschan ed enumereschan il vargau. Quei fatg lubescha neginas midadas e remeduras.

La pastoraziun

La suprastonza dalla pleiv da s. Gions ha era sentiù las midadas. Suenter liung temps colligiada cun pleivs ella vischinonza havein nus ussa in plevon per nus. Sur Alexi Manetsch ha suenter haver cumplenu siu 65avel anniversari reduciu empau sia travaglia. Vinavon e speranza aunc biars onns ha el surpriu la pastoraziun da nossa pleiv. Nus essan fetg engrazieivels persunter. Ensemen cun spirituals pensiunai e forzas jastras eis ei pusseivel d'ademplier in tochet ils multifars giavischs. Tuts giavischs anflan era malgrad tutta breigia pil pli buca ademplida.

Sur canoni Pius Venzin pastorescha cun inschign e fin sentiment la caplania da Segnas ed ei adina puspei prompts da segidar sch'il basegns sefa. Quella admirabla tenuta ei in bien exempel.

La situaziun momentana ella pastoraziun cuntenta nossas parochianas e nos parochians.

Tgei vegn igl avegnir a purtar? Igl ei buca gest sempel da far prognosas pil svilup da nossa pleiv e ses cartents. Persunas cun tenutas fetg autoritaras che pretendan obedienscha e sutmissiun secaveglian els gremis da decisiuns. Auters meinis e miras anflan leu magari bein ureglia denton buca udida. Nus lein e stuein sperar ch'il bien Diu meini tut ella dretga direcziun.

Cumplenu il viadi terrester

Igl onn vargau ha la mort teniu ina gronda raccolta en nossa pleiv. 2009 han 22 persunas da nossa pleiv fatg il davos viadi. Nus essan loschs che tontas parochianas e tons parochians assistan als survetschs divins funerals. Quei ei bein in segn da cardientscha e speranza e porta in tec levgera allas persunas en cordoli.

Ils 7 d'uost 2009 ha dunna Maria Josephina Columberg fatg siu davos viadi sul grond cuolm. Tenor la constataziun da dunna Columberg ha ella passentau biars e bials onns el ravugl dalla famiglia sco casarina per ses geniturs e ses fargliuns.

Dunna Maria Josephina Columberg ha testamentau alla pleiv s. Gions ed alla Casa da vegls sogn Gions la parcella 910 a Sontget. Nus savein bien grau persunter e vegnin

a duvrar il recav en senn da dunna Columberg. Nus cartein ch'ella sesanffi ussa el liug empermess a nus e ch'ella gaudi leu en legria cumpleina il ruaus petpen.

Nus sperein ed essan perschua di ch'il Diu Tutpussent ei misericordeivels cun nos defuncts e regali ad els il ruaus petpen. Els ruaussien en pasch.

Festivitads

Las festivitads ecclesiasticas ch'èin da gronda muntada per ina pleiv ein sesplagadas egl usitau. Buna e fritgeivla ei era la collaboraziun culs claustrals. Quei bien spért da cuminonza sperein nus che resti.

Donaziun

Midadas da tuttas sorts, entginas da gronda valur, autras plitost per midar ch'ei seigi midau, fuolan via atras structuradas francadas. Nus astgein denton adina puspei retscheiver sustegn finanziel per la tgira e manteniment da nos baghetgs sacrals.

Dunna Maria Josephina Columberg ha testamentau frs. 5'000.- alla baselgia da sogn Placi. Nus essan fetg engrazieivels persunter e vegnin ad applicar quels daners per il beinstar da quei sanctuari all'entschatta da nies vitg.

Renovaziuns

La tgira ed il manteniment da nos custeivels edificis sacrals pretendan adina puspei investiziuns e renovaziuns. Il scaldament da nossa baselgia parochiala porscha adina puspei motiv da seplidar pli ruasseivel ni pli alterau. Quei bi edificis pretendan tier renovaziuns ina infrastruttura sil meglier stan pusseivel. Igl ei sco midadas digl agen dacasa. Semettend alla lavur semuossa ei cheu e leu ch'ins duess, sch'ins ei gest vidlunder, far quei ni tschei, midar vi e neu, per contonscher il meglier.

Tier la renovaziun dil niev sistem da pilotadi dil scaldament eis ei semussau che l'entira infrastruttura dalla scaffa dalla tecnica cun segironzas e lingias haveva da basegn d'ina midada fundamentala. Nus havein surdau quella lavur e secapescha era acceptau il carschament dallas expensas.

L'installaziun d'in niev sistem da pilotadi per il scaldament ei fatga, nus quintein cun vera migliur. Ei drova denton aunc in temps da controlla ed adattaziun.

La sanaziun dils battagls dils zenns, digl indrez da fixaziun dils zenns e dils giufs che portan ils zenns, dil pilotadi e dall'electricidad dil clutger han cuzzau ditg e bein. Era cheu ha ei puspei giu num sche vus fageis quei, sche stueis bunamein era aunc schar suandar gl'auter per che la caussa fetschi senn e secuvieri cullas pretensiuns tecnicas. Aschia havein nus schau remplazzar las lingias d'electricidad nua ch'ei ha fatg basegn e schau trer ina lingia d'electricidad tochen sisum il clutger per cheutras possibilizar

glisch e forza electrica en cass da remeduras vid travs ni giufs e satisfar allas novas perscripziuns da segirtad.

Nus essan engrazieivels a nossas parochianas e parochians per lur pazienza pertucond tuchiez e l'ura-baselgia.

L'illuminaziun el chor, sils altars laterals e sin laupia ei nova. Quei niev indrez duess purtar in pulit respargn d'energia. Nus sperein e las personas dil fatg confirman che l'entira investiziun porta respargn d'energia a liunga vesta.

Immobilia

Possess e seigi quei era possess dalla pervenda ni auter ha adina duas varts. Tgei nez ni avantatg ha el ni ... ? Ussa ei la casa pervenda veglia gia pli liung temps buca habitada. Vischins havessen giu interess e cudez da renovar e mantener la fuorma da quella casa. Deplorablamein sesanfla quei baghetg en zona da baghetgs publics ed ha buca survegniu la lubientscha dallas autoritads cumpetentas.

Lavar ora la baselgia parochiala s. Gions

Nossa baselgia parochiala da s. Gions ei in ver bischu ed ha gronda valeta culturala. Ella porscha in dacasa a bia custeivladads. Nus vein e savein bien grau colligiaus cun in resentiu engraziament al nunstunclenteivel engaschament da nossas valentas calustras Agnes Deflorin ed Ottilia Hosang. Ellas tgriran quei sanctuari cun savida e bien quitau.

Inagada ad onn, pil pli cuort avon la fiasta dil patrun-baselgia sogn Gion Battesta vegn denton fatg „lischiva gronda“. Aunc adina cloma il tuchiez usitau vischinas e vischins tier quella lavur communabla, denton las experientschas dils onns vargai muossan che seplidar ed envidar en personas ch'ins ha il sentiment che hagian il plascher e peda han purtau buns fretgs. Aschia eis ei pusseivel da schubergiar nossa baselgia el decuors d'in temps ruschaneivel. A tuttas gidontras e gidonters admettein in sincer engraziament e nus sperein e quintein era el futur cun vies sustegn ed engaschament.

Abdicaziun

Suenter in survetsch da 10 onns plein engaschament e cumpetenzas meisterilas dil fatg ha igl ugau-baselgia Battesta Tschuor bandunau la suprastonza dalla pleiv. Sil post d'ugau-baselgia vegn il representant veramein confruntaus cun da tuttas fuormas bancaras. Dumbrar unfrendas, cudischar entradas ed expensas dalla baselgia s. Gions, dalla baselgia da s. Placi e dalla baselgia da s. Gada. Tier sia lavur s'auda era l'actualisaziun e cudischaziun da differents fondos. La survigilonza dils objects sacralis cun iniziar remeduras e survigilar il manteniment da quellas fuorman in'ulteriura lavur. La sanaziun finanziaria da tuttas treis baselgias ei fatga e bia da quella lavur ha il Battesta exequiu. Nus admettein in sincer engraziament e Dieus paghi per sia gronda e

fritgeivla lavur per il beinstar da nossa pleiv. Possien ses giavischs e sias finamiras anflar cumplenida. Mo il meglier giavischein nus al Battesta.

Statisticas

Igl onn vargau han 23 affons retschiert il sacrament dil s. batten, da quels habiteschan 11 en vischnaunca (2008: 19 s. batten). En nossa pleiv ein tschun pèrs vegni enzinnai (igl onn 2008 siat pèrs). L'emprema s. communion han 15 affons dalla tiarza classa astgau retscheiver.

La catechesa

Las suandontas personas han instruiu ducrina en nossas scolas:

1. primara	Cecilia Flepp-Walder
2. primara	Martina Gienal-Caviezel
3. primara	Olinda Hosang-Tschalèr
4. primara	Ingrid Flepp-Heshof
5. primara	Martina Gienal-Caviezel
6. primara	Martina Gienal-Caviezel
1. secundara	Gabriel Venzin
2. secundara	Aluis Hosang
3. secundara	Gion Tenner
1. reala	Gabriel Venzin
2. reala	Aluis Hosang
3. reala	Gion Tenner

La finamira fundamentala ei da porscher in'instrucziun religiosa buna, profunda ed adequata. Quella anfla mo lu siu final sche las personas involucadas prestan endinada e minuziusa preparaziun e muossan engaschament cumplein enten intermediar la ducrina.

Igl engaschament da bunAs e fideivlAs catechetAs ha possibilitau a nus da reparter l'instrucziun religiosa aunc detg stupent e prudent. Deplorablamein vegn l'instrucziun religiosa era cheu tier nus buca valetada culla medema peisa sco ils schi numnai roms principals. In'ura etica ed in'ura religiun vegnan forsa a purtar in nova pusseivladad da palesar vinavon la buna nova e da mussar la valeta da quell'instrucziun. Nus duvrein il sustegn da tuts members da nossa societad oravontut dils geniturs e buca meins dallas personas ell'instrucziun profana sch'ins vul era instruir el futur cun success la buna nova da Cristus.

Engraziament

Las novas tecnicas da derasar patratgs ed ideas personalas ed era publicas da gronda muntada ni era meins impurtontas sefan vinavon. Quellas tecnicas levgeschan bein empau lavur denton sclaudan ellas savens il dicuors personal. Il carstgaun sez cun tut sias expressiuns dalla fatscha e dil tgierp sa buca vegnir contemplaus. Savens sa quei purtar malcapientschas ed ei vegn tratg fallidas conclusiuns.

Tiels pli bials muments dalla lavur d'in president s'auda igl astgar engraziar. Igl engraziament ad adressats persunals enzuglia il prighel d'emblidar enzatgi. Ord tal motiv selubeschel jeu d'admetter in sincer Dieus paghi a tuttas persunas che han sin in sectur ni l'auter gidau ad organisar, embellir e far survetschs divins ed autras festivitads. Buca emblidar lessel era las numerusas persunas che han cun plaid ed ovras era finanzialas gidau la cuminonza da pleiv.

Nus essan engrazievils alla cuminonza claustrala per la buna collaboraziun e per il sustegn ch'ils conventuals dattan a nus nua ch'ils basegns semuossan ed igl ei pusseivel.

In profund engraziament admittel jeu a nies preziau plevon Alexi Manetsch. En num da biaras parochianas e parochians engraziel ad el per ses profunds patratgs ch'el derasa en in lungatg capeivel ed exact. Naturalmein cumpeglia nies engraziament era sur canoni Pius Venzin e tuts plevons pensiunai ed ils gidonters jasters.

Sil sectur social, liturgic, funeral ed ella catechesa vegn prestau bia buna e fritgeivla lavur e persuerter engraziament e compliment. Engraziar lessel era allas persunas che han bien quitau da nos sanctuaris, t'giran la paramenta e che mantegnan e t'giran il cant sacral.

La collaboraziun denter las persunas ufficialas da nossa vischnaunca ed ils commembers da suprastonza dalla pleiv ei buna ed emperneivla. Vegnan survetschs dad in gener ni l'auter giavischai anflan els accoglientescha. Nus sperein ed essan perschuadi ch'era igl avegnir sespleiga en buna collaboraziun ed admettein engraziament.

Mintga communitad vul e tschenta a sesezza finamiras. Finamiras anflan il bia mo lu cumplenida sch'ils pertuccai prestan lavur comunabla. Igl onn precedent han las commembras ed ils commembers dalla suprastonza empleniu il schierl da lavur pulitamein. Grazia alla endinada, seriusa, fundada, efficazia ed exacta lavur da scadin suprastont havein nus saviu menar nos projects a buna fin. A mes consuprastonts exprimel jeu miu profund e sincer engraziament.

Per la davosa gada hael jeu reteniu il curriu e passau ella pleiv sogn Gions en miu rapport. Otg onns alla liunga hael jeu astgau tgamunar quella impurtonta e gronda communitad. La gronda part dils giavischs ch'ei vegni adossai duront quei temps havein nus saviu realisar. Naturalmein ei quei buca ils merets d'ina persuna mobein il fretg da collaboraziun denter tuttas persunas involucadas.

En quella retscha dad onns haiel astgau collaborar en suprastonza cun sur Alexi Manetsch, Jris Lombris, Willi Lozza, Battesta Tschuor, Bernhard Petschen, Gion Tenner, Laurenzia Cajacob e Claudius Berther. Allas personas sura numnadas admittel miu pli profund e grond engraziament. Ellas ed els han gidau cun lur tenuta admirabla da saver realisar ils pensums surdai. „Dieus paghi“ per tutta gentileza, beinvuglientscha e pil sustegn.

Nies giavisch ei ch'il Diu tutpussent pertgiri nus da mals dil tgierp e dall'olma e ch'el detti a nus la forza da dumignar il dafar dil mintgadi.

„Igl ei meglier d'envidar ina glisch enstagl da selamentar dalla stgiraglia.“

Mustér, fin fevrer 2010
Otto Gienal, president dalla pleiv



foto: Corina Delfino

La grappa Salid dil Segner s'entaupa regularmein cun ils pli pigns.

Rapport dil cussegl pastoral dalla Pleiv Sogn Gions

Preziadas parochianas, preziai parochians

In rapport dat per ordinari in sguard anavos. Jeu less perquei en emprema lingia mirar anavos sin igl onn vargau, sin la lavur dil cussegl pastoral e sedumandar:

Eis ei reussiu al cussegl pastoral cun ses otg commembers e commembras d'ademplier tut las incaricas per cuntentientscha da vus, caras parochianas e cars parochians? Tenor nies regulativ secumpona il cussegl pastoral da dus cercchels: Il cercchel liturgic ed il cercchel social-caritativ che lavuran independent in da l'auter. Mo igl onn vargau han ils dus cercchels stuiu luvrar fetg bia ensemen e grazia al grond engaschi da mintgin havein nus saviu organisar e menar atras beinenqual survetsch divin special, aperitivs, segidau tier las fiastas ecclesiasticas e tier outras occasiuns en baselgia. Plinavon havein nus era saviu mantener las sentupadas meinsilas per nos/sas seniors/ras. Enzaconts eveniments lessel jeu menziunar:

Di da suppa

Ils 21 da mars 2009 havein nus organisau il tradiziunal Di da suppa en halla Cons. Il recav da quei gentar communabel ha purtau la summa da sfr. 2'747.00. Quel havein nus surdau a Pader Silvio Deragisch per sia lavur pastorala cun impedi.

Survetsch divin d'engraziament

Ils 27 da settember 2009 havein nus ensemen cun la catecheta Martina Gienal e scolars dalla secunda, tschunavla e sisavla classa preparau e menau atras in survetsch divin d'engraziament. Ils affons han engraziiau per tut quei che nus savein cumprar ni guder, mo era per tut il bien che vegn dau a nus, seigi quei nossa famiglia, nies dacasa, nossa sanadad, nossa patria e bia auter.

Aperitivs

Per la fiasta da Dumengi'alva havein nus per l'emprema gada organisau ed offeriu in aperitiv suenter messa sco nus fagein era gia dapi biars onns a caschun dalla s. Creisma. Envidai ein mintgamai ils affons cun lur famiglias, mo era tut ils parochians.

A caschun dil survetsch divin tier s. Hubertus havein nus, ensemen cun l'uniun da catschadurs Péz Alpetta, organisau ed offeriu igl aperitiv. La grupp da sunacorns Badus ha embelliu la messa cun bellezza melodias da catscha.

Salit da Nossadunna

Demai che nus havein desistiu da far mintga meins il “Salit da Nossadunna” per nos cars defuncts havein nus fatg il meins november ina devoziun „Salit da Nossadunna“ per tuts ils defuncts digl onn 2009.

Survetsch divin da Sontgaclau

La viseta da Sontgaclau tier nossas famiglias ha era igl onn 2009 entschiet cun in survetsch divin. Cun plascher havein nus saviu beneventar ils Sontgaclus cun lur suitas ord sis fracziuns da nossa vischnaunca, numnadamein da Segnas, Mompé Medel, Raveras, Funs-Clavaniev, Gonda, Latis e Vitg. Ils 9 Sontgaclus e lur fumeugia han dau in bi maletg si el chor dalla baselgia s.Gions e biaras famiglias cun lur affons mo era numerus parochians e parochianas han priu part da quella messa speciala.

Il recav dall'unfrenda prida si quei di en baselgia ei ius en favur dallas fracziuns presentas. Cheu lessel jeu dir in grond Dieus paghi allas uniuns da giuventetgna per lur engaschi en favur da quei bi usit da Sontgaclau.

Adoraziun tgeua

La sera dall'emprema dumengia d'advent ha ina mar da candeilas ardentas en baselgia mussau ch'in grond diember da persunas ha fatg ina viseta en baselgia per star leu in mument en oraziun e meditaziun avon il Sontgissim ed envidau leu ina candeila.

Tuchiez per il clima

Dumengia, ils 13 da december 2009 allas 15.00 han nos zenns tucchau. Quei han era biars auters zenns en l'entira Svizra ed era en las tiaras vischinontas fatg. Per sustener la Conferenza per il clima che ha giu liug quels dis a Kopenhagen han las differentas baselgias vuliu dar in segn per ina midada dil clima gesta e sperta, per il dretg sin nutriment per tuts.

Cerchel liturgic

Il cerchel liturgic ha segidau duront igl onn 2009 tier la fiastas ecclesiasticas, ha susteniu e segidau tenor basegns cun las differentas gruppas.

La grupp da devoziuns cun Sr.Beatrice Desax, Laurenzia Gadola, Ingrid Flepp e Laurenzia Cajacob sesprova dad organisar e menar devoziuns tenor igl onn ecclesiastic. Quei ei tier la fiasta d'Assumpziun da Maria ad Acletta, la Rogaziun federala sin claustra, advent e cureisma. Muort la pintga participaziun havein nus reduciu empau quella purschida.

Il rusari da morts meinan Laurenzia Gadola, Rita Furger, Catarina Steger, Benjamin Schuoler e Laurenzia Cajacob. Il rusari vegn mintgamai recitaus la sera allas 20.00 uras, priu ora la sonda.

La gruppa retscheiver la bara cun Marcellina Giger, Agnes Deflorin, Laurenzia Schnoz e Laurenzia Cajacob retscheiva mintgamai la bara cu quella vegn purtada en baselgia. Cun ina cuorta devoziun fan ellas oraziun per il/la defunct/a ensemen cun la famiglia en malencurada.

Cerchel social-caritativ

La menadra dil cerchel social-caritativ, Laurenzia Schnoz, rapporta:

Con spert ei in onn puspei vargaus. Era uonn havein nus menau atras in vast program cun dar troccas, organisar devoziuns ed in gentar communabel el center Aua viva. Il punct culminont ei stau il viadi a Notwil, al qual 45 persunas ein separticipadas, quei che ha legrau nus zun fetg.

Rapport dalla gruppa “Salid dil Segner”

La responsabla dalla gruppa Corina Defuns rapporta:

Cun l'entschatta da settember han ils affons da scoletta e dil scalem bass retschiert l'emprescha invitaziun alla devoziun dil Salid dil Segner. Biars han dau suatientscha agl invit ed ein s'occupai cul tema „Jesus ei nossa glisch“. La candeila che mintgin/a ha decorau duront la devoziun ha accumpignau ils affons atras tut las ulteriuras devoziuns. Actualmein separticipeschan ver 30 affons allas devoziuns. Els demuossan grond plascher ed interess.

La devoziun da Nadal en baselgia ei vegnida organisada culs affons dalla gruppa Artgin. Per udir e saver s'imaginar pli profundamein la historia „La steila da Nadal“, ein affons, geniturs e parochians semess sin viadi cun latiarnas viers il plaz avon la casa da tgira e vinavon entochen sil plaz avon la casa da scola. La historia ha tschaffau ils affons ed il maletg fascinont dalla stalla culla steila da Betlehem ha glischau vinavon en baselgia entochen Buania.

El decuors dil meins november han treis menadras dalla gruppa frequentau in cuors da scolaziun a Cuera el center catechetic duront dus dis. La scolaziun ha purtau novs impuls e biaras novas ideas. Ella ha denton era confirmau la lavur prestada entochen dacheu. Nus admettein in grond engraziament per il sustegn entras la suprastanza dalla pleiv ed il cussegl pastoral.

Las devoziuns pils affons vegnan preparadas da Marie-Rose Deflorin, Corina Defuns, Regina Giger-Caminada, Irene Huonder e Regula Manetsch. Nus havein grond plascher che Regina Giger cumpletescha dapli la primavera 2009 la squadra da collaboraturas.

Suenter in grond e premurau engaschi da quater onns banduna Regula Manetsch la grupp cun la fin digl onn da scola 09/10. In cordial engraziament ad ella per tutta buna lavur e per sia amicabladad.

Preziadas parochianas, preziai parochians

Sper il regard anavos lessel era mirar anavon e sedumandar co ei vegn bein ad ir vinavon. En in onn va il trieni 2008-2011 alla fin ed ei vegn a dar elecziuns.

Sin quei termin sperein nus fetg dad anflar personas che fussen promptas da s'engaschar per nossa pleiv, promptas da purtar en il cussegl pastoral novas forzas cun novas ideas e novs impuls. Nus savein bein ch'igl ei buca sempel d'anflar personas che s'engaschan en in'uniun ni en in' organisaziun. Mo lein buca schar tementar e mirar egl avegnir cun optimissem. Sulet vies interess e sustegn, vossa participaziun als survetschs divins e devoziuns, vies engaschi en favur dalla baselgia e pleiv segireschan ina cuntinuaziun da nossa lavur.

Engraziament

Mirond anavos sin igl onn vargau eis ei miu duer e miu giavisch dad engraziar grondamein a tut quellas personas che han susteniu, segidau e cumpignau mei d'uront miu secund onn sco presidenta dil cussegl pastoral. En emprema lingia exprimel in grond Dieus paghi a Sur Alexi sco era alla suprastanza dalla pleiv s.Gions. Lur sustegn ed ils buns cussegls ein stai per mei in grond agid. Allas commembras ed ils commembers dil cussegl pastoral in cordial engraziament per lur engaschi, la buna lavur e la biala collaboraziun. Medemamein han la secretaria dalla pleiv Jris Lombris sco era las calustras Agnes Deflorin ed Ottilia Hosang adina susteniu nus e segidau. Nus havein adina anflau bia capientscha e survegniu buns cussegls dad ellas. Perquei era in grond Dieus paghi. A tut las commembras ed ils commembers dallas differentas gruppas in sincer engraziament per lur lavur ed engaschi. Mo jeu lessel era engraziar da tut cor a tut quels ch'ei s'engaschai sin ina moda ni l'otra en nossa pleiv, a tut quels che han visitau ils survetschs divins, rusaris e devoziuns.

Mustér, mars 2010

Laurenzia Cajacob, presidenta

Rapport dalla caplania da Segnas

Di per di vegn fatg bia lavur en nossa pleiv. Bia da quella lavur capeta el zuppau nua che negin vesa. Autra lavur ei denton pli veseivla e croda en egl a mintgin. Denton ton la veseivla, sco la nunveseivla ein impurtontas per che nossa pleiv funcziuneschi.

Ina lavur veseivla vein nus schau far 2009 vid igl intern dalla baselgia a Segnas. Durent pliras jamnas ein ils mirs digl intern vegni schubergiai e colurai da frestg. Ei era tut curios - il di cu ils palancaus ein finalmein vegni allontanai - da veser en tgei splendor che l'entira baselgia tarlischava. Ils bials mirs alvs han procurau per dapli clar egl intern. El medem mument ein las sfessas digl arviul stadas caschunadas 2001 entras las nevadas e la gronda peisa sin tetg vegnidadas emplenidas e cuvretgas, aschia ch'era igl arviul ei ussa puspei intacts. Ils resuns davart la lavur fatga entras la firma indigena Gion Albin SA han giu buna accoglientscha.

En connex culla renovaziun dil scaldament e dalla glisch ella baselgia parochiala a s. Gions vein era nus priu nossas installaziuns da glisch sut la marella. 1992 ei vegniu montau cazzolas modernas che van bein a prau culla nova meisa-altar. Quei ch'ei bi pigl egl ei denton semussau meins bien per nossas finanzas. Las cazzolas drovan praticamein varga la mesadad dalla forza electrica en cumparegliaziun cul scaldament e l'explotaziun da glisch ei tuttina buc cuntenteivla. Ina pintga migliur vein nus gia saviu far cun midar entgins pers da cazzola cun pers da spargnar energia. Mo ils varga 100 perets che surveschan cunzun alla decoraziun drovan ina massa energia che porta a nus nuot. Nus vegnin a stuer ponderar bein tgei sligiazion far, cunquei che las entradas en baselgia sesminueschan onn per onn e nus vein breigias da cuvierer ils cuosts ch'il diever dalla baselgia caschuna. Suentar ver partiu il consum d'energia dil scaldament sin treis, suonda uss la glisch. Cheu ein medemamein gronds respargns pusseivels, senza grondas investiziuns, sulet cun augmentar l'efficacitad dallas cazzolas existentas. Clar ei ch'il maletg dalla baselgia hodiern astga buc semidar.

Era vid l'orgla vein nus tochen oz saviu far nuot. Il motiv ein las finanzas che mauncan aunc adina. Actualmein basignein nus rodund frs. 20'000.- per saver far la schubergiada generala e las adattaziuns vid igl instrument. Nus essan perquei di per di alla tscherca da buns donaturs ed essan era da buna speranza ch'ei gartegia enteifer ils proxims onns da far quella lavur per part urgenta. Humiditad e puorla laian plaunsiu pitir las flautas aschia che quellas entscheivan ad oxidar, gnanc da numnar la puorla che sesanfla egl intern digl instrument e che stuess gia dapi entgins onns vegnir allontanada.

La casa pervenda ha buca giu pli bia reparaturas. Denton semuossan era cheu ils fastitgs dil temps: il tetg stuein nus uss prender en mira e planisar da rudien tgei far per saver exequir las lavurs igl onn 2011. Schiglioc seprenta la casa en fetg bien stan, quei era grazia als cussadents che dattan grond quittau digl uorden.

2009 ha il zenn grond annunziàu la mort dad in convischin. Ils 14 da fevrer ei Felix Quinter morts. Il defunct ei naschius ils 18 da november 1921 a Trun/Darvella. 1971 eis el secasaus cun sia famiglia a Segnas, in liug ch'el enconuscheva gia da pli baul cu siu frar sur Alfons pastorava en nossa caplania. El ei staus plirs onns president da nossa caplania ed ha aschia specials merets persuerter. Duront sia perioda d'uffeci ha ei giu num anflar ina buna slihaziun co posiziunar nossa caplania sut il tetg dalla pleiv. Las decisiuns han da gliez temps dau bia da discussiunar, denton ein ellas stadas futuristicas. Las structurass hodiernas satisfan cumpleinamein a nos basegns. Era la renovaziun baselgia dall'entschatta dils onns novonta ei ina part da ses merets. 1986 ha la suprastonza sut siu presidi instradau ils emprems pass per quei grond project. Jeu engrazièl a Felix Quinter per siu grond engaschi en favur da nossa cuminonza. Possi il bien Diu regalar ad el la pagaglia bein meritada.

Ils 25 d'uost 2008 ei Giachen Fry- Desax morts ell'aula vegliadetgna da 91 onns. Il Segner regali ad els dus la beinmeritada pagaglia ed il ruaus perpeten!

Lavurs meins veseivlas ein quellas ch'ins appreziescha il bia pér cu ellas vegnan buca pli fatgas. Davos quellas lavurs sezuppan adina persunas, enconuschentas e nunenconuschentas. In special engraziament admittel jeu a nies caplon sur canoni Pius Venzin per sia nunstunclenteivla lavur. Nus vein il sentiment ch'el vegni adina pli e pli giuvs, schegie ch'el ha mintgaton tscheu e leu da sbatter cun in mal ni l'auter. Sustenius vegn el da sia casarina Mathilda Lutz, ella uss empau spossada, mo mentalmein aunc adina ferma aschia ch'ella sa sustener sin quella moda nies caplon.

Jeu engrazièl era a nossa premurada calustra, a lecturas, ministrantas e ministrants, als organists, donaturas e donaturs e tut tgi che segida sin ina moda ni l'autra per il beinstar da nossa caplania ed en special a tut quellas che prestan lavur nunveseivla, a persuans che nus vein savens gnanc la pusseivladad d'engraziar. Mo nus savein ch'ei dat in che vesa fetg bein tgei che vegn fatg, el vegn in di a regalar a nus la pagaglia meritada.

Segnas, fevrer 2010
Gion Tenner, president

Quen dalla baselgia parochiala s. Gions 2009

Entradas	
unfrendas	19'954.30
contribuziun pleiv s. Gions	148'000.00
fondo messas fundadas	10'000.00
diever baselgia, concerts etc.	1'650.00
tscheins capital	1'652.30
restituziun taglia anticipada	532.45
tscheins dretg alp Cristallina	300.00
total entradas	182'089.05
Expensas	
sanaziun scaldament e glisch	87'136.65
sanaziun clutger	79.528.45
sanaziun escha baselgia	7'798.85
uorden per il survetsch divin	2'891.05
embelliment dalla baselgia (flurs, candeilas)	1'441.70
assicuranza da baghetgs	1'490.50
assicuranza digl inventar	4'926.50
assicuranza da responsablidad	178.50
energia, scaldament, glisch	6'200.05
cudischs	686.00
publicaziuns FUS, etc.	1'618.85
abonnements per manteniment d'apparaturas	49.30
divers quens da reparaturas e manteniment	1'444.75
diversas expensas	1'242.55
honorar ordinaturs	1'350.00
contribuziun chor baselgia	2'000.00
taxas da rumians, canalisaziun aua, segirada da fug	1'949.10
taglia anticipada	72.10
spesas da banca	127.35
total expensas	202'132.25
total entradas 2009	182'089.05
total expensas 2009	202'132.25
surpli expensas 2009	20'043.20

Bilanza per ils 31 da december 2009

Activa

conto da spargn nr. 11079.72	16'470.47
obligaziun da cassa nr. 11663, 2 ¼%, scadenza 10-01-2010	20'000.00
obligaziun da cassa nr. 11748, 2 ⅞%, scadenza 08-01-2013	40'000.00
obligaziun da cassa nr. 11813, 1 ¼%, scadenza 20-01-2012	40'000.00
total activa ils 31-12-2009	116'470.47

Moviment dalla facultad 2009

Facultad ils 31-12-2008	136'513.67
Facultad ils 31-12-2009	116'470.47
Sminuaziun dalla facultad per 2009	20'043.20

Mustér, ils 12 da schaner 2010
Claudius Berther, ugau-baselgia

Quen dalla pervenda da s. Gions per 2009

	31-12-2009	31-12-2008
Salaris pleiv Mustér	216'757.35	226'624.15
salaris augsegner	62'328.85	76'924.20
salaris personal gidonter	68'084.40	63'475.40
substituziuns	9'895.30	5'161.70
ductrina	53'434.00	49'289.35
SVS assicuranza sociala	9'684.40	14'069.80
indemnisaziun suprastonza	10'890.00	10'499.20
segiradas d'accident	2'178.35	2'057.10
cassa da pensiun	262.05	5'147.40
Contribuziuns	96'500.00	107'755.60
diversas contribuziuns	1'000.00	2'255.60
baselgia s. Gions	88'000.00	88'000.00
Baselgia s. Bistgaun e s. Roc, Segnas		10'000.00
baselgia catolica cantunala	1'000.00	1'000.00
cussegl pastoral	4'000.00	4'000.00
instituziuns culturalas	2'500.00	2'500.00
Casa pervenda/schischom	10'672.45	7'000.90
manteniment	1'072.40	868.30
mobiliar ed indrez	2'190.00	
taxas annualas	1'555.25	1'816.95
manteniment indrez	2'755.35	954.30
electricidad casa pervenda veglia	416.75	155.05
ieli casa pervenda	1'074.40	1'653.00
segiradas	727.65	727.65
segiradas casa pervenda veglia	844.70	789.70
segiradas schischom	35.95	35.95
Caplania Segnas	53'328.10	54'898.00
salaris augsegner	19'999.80	19'999.80
salaris personal gidonter	30'908.40	30'488.20
taxas annualas	658.75	658.85
SVS assicuranza sociala	809.00	649.00
segiradas d'accident	251.50	307.10

segiradas	597.35	713.90
manteniment casa pervenda	103.30	2'081.15
Diversa	10'456.25	9'926.95
material da biro	1'694.20	463.15
apparaturas da biro		2'080.00
spesas da banca	220.05	323.30
spesas suprastonza	1'717.90	851.90
telefon, porto	780.80	629.70
rapport annual	1'862.25	2'886.85
archiv	2'821.25	
radunonza generala	381.00	1'424.35
diversas expensas	978.80	1'267.70
total expensas	387'714.15	406'205.60
Taglias / contribuziuns	371'568.70	399'140.25
taglia pleiv	364'068.70	391'640.25
vischnaunca ductrina	7'500.00	7'500.00
Tscheins	16'189.60	19'945.95
tscheins activs	5'991.60	7'407.95
tscheins casa pervenda	9'600.00	11'940.00
tscheins schischom	598.00	598.00
total entradas	387'758.30	419'086.20
total expensas		387'714.15
total entradas		387'758.30
surpli entradas		44.15

Bilanza dils 31 da december 2009

Activas	31-12-2009	31-12-2008
Total mieds finanzials		
contocorrents	7'404.58	13'462.40
contos da spargn	263'730.30	262'197.50
daner da termin	100'000.00	200'000.00
assegn Banca Raiffeisen	200.00	200.00
taglia anticipada	2'095.87	2'592.70
activas transitoricas	13'520.60	6'133.55
Total mieds administrativs		
casa pervenda	1.00	1.00
casa pervenda veglia	1.00	1.00
casa pervenda Segnas	1.00	1.00
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	25'000.00	-.--
Total activas	411'956.35	484'591.15
Passivas		
passivas transitoricas	22'435.15	95'114.10
capital agen	389'477.05	376'596.45
gudogn	44.15	12'880.60
Total passivas	411'956.35	484'591.15

Mustér, ils 21 da schaner 2010
Willi Lozza, ugau-pervenda

Facultad e deivets dils fondos da baselgias e capluttas

Baselgia parochiala s. Gion Battesta fondo baselgia s. Gions fondo messas fundadas s. Gions	ugau: Claudius Berther 116'470.47 273'015.00
Baselgia s. Placi fondo baselgia s. Placi	ugau: Claudius Berther 28'492.56
Baselgia s. Gada fondo baselgia s. Gada	ugau: Claudius Berther 298'432.16
Baselgia da Nossadunna, Acletta fondo baselgia	ugau: Corsin Maissen 41'582.95
Baselgia s. Bistgaun e s. Roc, Segnas fondo baselgia fondo messas fundadas	ugadessa: Letizia Duff-Sac 41'626.90 114'119.35
Caplutta Sontgaclau, Mompé Tujetsch fondo caplutta deivet restont	ugau: Sigisbert Manetsch 13'613.25 40'000.00
Caplutta s. Valentin, Mompé Medel fondo caplutta	ugau: Baseli Jacomet 23'554.30
Caplutta s. Antieni, Perdomat fondo caplutta	ugau: Christian Duff 18'165.30
Caplutta s. Leci, Disla fondo caplutta	ugau: Max Deplazes 9'851.36
Caplutta s. Giachen, Cuoz fondo caplutta	ugau: Adrian Deflorin 41'071.30

Rapport dils revisurs

Il sutsignai revisurs han, tenor incarica digl artechel 28 dalla constituziun dalla pleiv s. Gions, revediu ils quens ed il menaschi finanziel dalla pervenda, dalla baselgia parochiala e dallas capluttas dalla pleiv. Ella seduta dils 12 da mars ein quels vegni presentai e revedi.

Per mauns dalla radunonza generala dein nus revisurs il suadont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidadas decididas dalla suprastonza tenor las cumpetenzas dalla constituziun.

Nus fagein alla radunonza generala las suadontas propostas:

1. D'approbar bilanza e quen administrativ per ils 31 da december 2009 dalla pervenda, dalla baselgia parochiala s. Gions e dallas capluttas tenor las cefras presentadas.
2. Da dar scarica alla suprastonza ed als funcziunaris.
3. D'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschament.

Mustér, mars 2010, ils revisurs

*Francestg Cajacob
Roger Sac*

Preventiv dalla baselgia parochiala s. Gions per 2010

Entradas

unfrendas	20'000.00
contribuziun vischnaunca	15'000.00
contribuziun pleiv s. Gions	8'000.00
fondo messas fundadas	10'000.00
tscheins da capital	1'000.00
taglia anticipada	700.00
tscheins dretg alp Cristallina	300.00
total entradas	55'000.00

Expensas

uorden per il survetsch divin	2'500.00
embelliment dalla baselgia parochiala	3'700.00
assicuranza da baghetgs	1'500.00
assicuranza digl inventar	4'900.00
assicuranza da responsabladad	200.00
energia, scaldament, glisch	6'000.00
publicaziuns FUS	2'000.00
abonnements per manteniment d'apparaturas	1'200.00
honorar ordinatur	1'500.00
contribuziun chor baselgia	2'000.00
taxa da rumien/canalisaziun/aua/fiug	2'500.00
expensas nunprevedidas	25'000.00
total expensas	53'000.00

total entradas 2010	55'000.00	
total expensas 2010		53'000.00
surpli entradas 2010	2'000.00	

Mustér, ils 12 da schaner 2010
Claudius Berther, ugau-baselgia

Preventiv dalla pervenda da s. Gions, per 2010

Salaris pleiv Mustér	220'300.00
salaris augsegners	56'000.00
salaris persunal gidonter	69'800.00
indemisaziun per substituziun	5'000.00
contribuziun per ductrina	62'000.00
contribuziun SVS	12'000.00
indemisaziun suprastonza	11'000.00
segiradas d'accident e malsogna	4'500.00
Contribuziuns	27'500.00
diversas contribuziuns	2'000.00
baselgia s. Gions	8'000.00
caplutta s. Clau Mompé Tujetsch	10'000.00
baselgia catolica cantunala	1'000.00
cussegl pastoral	4'000.00
Camps Cadi	2'500.00
Casa pervenda/schischom	13'600.00
manteniment casas pervenda	5'000.00
manteniment indrezs casas pervenda	2'000.00
segiradas, diversas taxas casa pervenda	3'000.00
segiradas, diversas taxas casa pervenda veglia	1'000.00
divers cuosts da schischom	600.00
ieli casa pervenda	2'000.00
Caplania Segnas	61'200.00
salaris caplania Segnas	20'000.00
salaris persunal gidonter	31'700.00
assicuranzas, diversas taxas annualas	2'000.00
contribuziun SVS	1'500.00
segiradas d'accident e malsogna	1'000.00
manteniment casa pervenda	5'000.00
Diversa	11'000.00
material da biro	1'000.00

spesas da banca	500.00	
spesas da porto e telefon	1'500.00	
cuosts da publicaziun	2'000.00	
archiv	1'000.00	
radunonza generala	2'000.00	
diversas expensas	3'000.00	
total expensas	333'600.00	
Taglias / contribuziuns		328'700.00
taglia pleiv		320'000.00
vischnaunca per ductrina		7'500.00
pleiv Medel per ductrina		1'200.00
Tscheins		15'200.00
tscheins activs		5'000.00
tscheins casa pervenda		9'600.00
tscheins schischom		600.00
total entradas		343'900.00
total entradas per 2010	343'900.00	
total expensas per 2010		333'600.00
surpli entradas per 2010	10'300.00	

Mustér, ils 21 da schaner 2010
Willi Lozza, ugau pervenda

Fixaziun dil pei da taglia per 2011

La suprastonza dalla pleiv s. Gions ed ils revisurs da quen proponan alla radunonza generala dalla pleiv s. Gions/Mustér da fixar il pei da taglia sco suonda:

Per igl onn 2011 duei il pei da taglia restar sco per 2011 sin 12 % digl importo dalla taglia sempla dil cantun.

Officials dalla pleiv sogn Gions

1. Suprastonza dalla pleiv s. Gions/Mustér

Gienal Otto, president
Manetsch Alexi, plevon (ex off.)
Cajacob Laurenzia, cussegl pastoral
Tschuor Battesta, ugau-baselgia (entochen ils 8 da matg 2009)
Berther Claudius, ugau-baselgia (naven dils 9 da matg 2009)
Lozza Willi, ugau-pervenda
Lombris Jris, actuara e vicepresidenta
Tenner Gion, president dalla caplania Segnas

2. Revisurs da quen

Cajacob Francestg
Sac Roger

3. Suprastonza dalla caplania Segnas

Tenner Gion, president
Venzin Pius, caplon (ex off.)
Duff-Sac Letizia, ugau-baselgia
Loretz-Huonder Alberta, actuara
Monn Linus, ugau-pervenda
Berther Claudius, revisur da quen
Deflorin Adrian, revisur da quen

4. Suprastonza dalla caplania Cavardiras

Labàs Christina, presidenta
Sabbadini Giovanni, ugau-baselgia
Eveline Hess, ugau-pervenda
Schuoler Alexa, revisura da quen
Schmed Adolf, revisur da quen

5. Ugaus caplutta

s. Gada	Berther Claudius
s. Placi	Berther Claudius
Acletta	Maissen Corsin
Mumpé Tujetsch	Manetsch Sigisbert
Cuoz	Deflorin Ignaz (naven dils 01-02-2010 Deflorin Adrian)
Mumpé Medel	Jacomet Baseli
Perdomat	Duff Christian
Madernal	Claustra Mustér
Disla	Deplazes Max
s. Catrina	Condrau Pius

6. Commembers dil Cussegl pastoral dalla pleiv s. Gions/Mustér

Comite

Manetsch Alexi, plevon
Cajacob Laurenzia, presidenta
Casanova Ermelinda, actua e vicepresidenta
Deflorin Marie Luise, cassiera
Schnoz Laurenzia, assessura

Cerchel liturgic

Cajacob Laurenzia, menadra
Buschor Josef
Caduff-Kneidinger Giusep
Casanova Ermelinda
Duff Giusep
Petschen Bernhard

Cerchel social-caritativ

Schnoz Laurenzia, menadra
Deflorin Marie Luise



Merets tut specials ed in sincer Dieus paghi per lur gronda lavur en favur da nossa pleiv da seniester: Laurenzia Gadola, Battesta Tschuur e Claudia Deflorin

P.P.

7180 Disentis/Mustér